



## **ORDENANZA FISCAL REGULADORA DO IMPOSTO SOBRE ACTIVIDADES ECONÓMICAS (IAE).**

### **Artigo 1. Feito imponible.**

1.O imposto sobre actividades económicas é un tributo municipal directo de carácter real, o feito imponible do cal está constituído polo mero exercicio, no territorio nacional, de actividades empresariais, profesionais ou artísticas que non estean exentas, tanto se se exercen nun local determinado como se non, se atopen ou non especificadas nas tarifas do imposto.

2.Para os efectos deste imposto, considéranse actividades empresariais as da gandería independente, as minerías, industriais, comerciais e de servizos. Polo tanto, non teñen esta consideración, as actividades agrícolas, as gandeiras dependentes, as forestais e as pesqueiras.

### **Artigo 2. Suxeitos pasivos.**

Son suxeitos pasivos as persoas físicas ou xurídicas e as entidades ás que se refire o artigo 33 da Lei Xeral Tributaria sempre que realicen en territorio nacional calquera das actividades que orixinen o feito imponible.

### **Artigo 3. Responsables.**

1.responden solidariamente das obrigas tributarias todas as persoas que sexan causantes dunha infracción tributaria ou que colaboren na súa comisión.

2.Os copartícipes ou cotitulares das entidades xurídicas ou económicas a que se refire o artigo 33 da Lei Xeral Tributaria ou que colaboren na súa comisión.

3.No caso de sociedades ou entidades disolvidas e liquidadas, as súas obrigas tributarias pendentes transmitiránelles aos socios ou partícipes no capital, que responderán delas solidariamente e ata o límite do valor da cota de liquidación que se lles adxudicara.

4.A responsabilidade esixirásese en todo caso nos termos e de acordo co procedemento previsto na Lei Xeral Tributaria.

### **Artigo 4. Exencións.**

1.Están exentos do imposto:

a)O Estado, as Comunidades Autónomas e as Entidades Locais, así como os organismos autónomos do Estado, e as entidades de dereito público de análogo carácter das Comunidades Autónomas e das Entidades Locais.

b)Os suxeitos pasivos que inicien o exercicio da súa actividades no territorio español, durante os dous primeiros períodos impositivos deste imposto en que se desenvolva esta.

c)Os seguintes suxeitos pasivos:

-As persoas físicas.



-Os suxeitos pasivos do imposto sobre sociedades, as sociedades civís e as entidades do artigo 33 da Lei 230/1963, do 28 de decembro, xeral tributaria, que teñan un importe neto da cifra de negocios inferior a un millón de euros.

Para os efectos da aplicación da exención prevista neste parágrafo teránse en conta as regras que se conteñen no artigo 83 da Lei 39/1988.

d)As entidades xestoras da Seguridade Social e as mutualidades de previsión social reguladas pola Lei 30/1995, do 8 de novembro, de ordenación e supervisión dos seguros privados.

e)Os organismos públicos de investigación, os establecementos de ensino en todos os seus graos custeados íntegramente con fondos do Estado, das Comunidades Autónomas ou das Entidades Locais, ou por fundacións declaradas benéficas ou de utilidade pública, e os establecementos de ensino en todos os seus graos, que carecendo de ánimo de lucro, estiveran en réxime de concerto educativo.

f)As asociacións e fundacións de diminuídos físicos, psíquicos e sensoriais, sen ánimo de lucro, polas actividades de carácter pedagóxico, científico, asistencial e de emprego que para o ensino, educación, rehabilitación e tutela de diminuídos que realicen.

g)As fundacións e asociacións para o exercicio daquelas actividades que constitúan o seu obxecto social ou finalidade específica, non supoñan competencia desleal e os seus destinatarios sexan unha colectividade xenérica de persoas. Para tal efecto estárase ao establecido na Lei 50/2002, do 26 de decembro, de fundacións e na Lei 49/2002, do 23 de decembro, de réxime fiscal das entidades sen fins lucrativos e dos incentivos fiscais ao mecenado.

h)Cruz vermella.

i)Os suxeitos pasivos aos que lles sexa de aplicación a exención en virtude de tratados ou convenios internacionais.

2.As exencións reguladas nas letras b), e) e f) do apartado anterior Terán carácter rogado e concederánse, cando proceda, a pedimento de parte.

3.As exencións de carácter rogado que sexan solicitadas antes de que sexa firme a liquidación correspondente Terán efectos dende o inicio do período impositivo a que se refira a solicitude, sempre que na data da obriga de contribuir do tributo concorreran os requisitos legalmente esixibles par ao goce da exención.

#### **Artigo 4. Bis).**

Estabrécese unha bonificación de ata o 95 por cento da cota correspondente para os suxeitos pasivos que tributen por cota municipal e que desenvolvan actividades económicas que sexan declaradas de especial interese ou utilidade municipal por concorrer circunstancias de fomento do emprego que xustifiquen tal declaración, regulada no artigo 88.2 letra e) do Real Decreto Legislativo 2/2004, do 5 de marzo, polo que se aproba o texto refundido da Lei Reguladora das Facendas Locais. A gradación da porcentaxe de bonificación aplicaráse do seguinte xeito:



- Ata o 95 por 100 pola creación de máis de 20 postos de traballo.
- Cando menos o 75 por 100 pola creación de entre 11 e 20 postos de traballo.
- Cando menos o 50 por 100 pola creación de ata 10 postos de traballo.

Esta bonificación será de aplicación unicamente a aqueles supostos de implantación dunha nova actividade económica ou empresarial, así como aqueles outros que consistan nunha ampliación das instalacións sempre e cando implique creación de emprego.

Corresponderalle a dita declaración ao Pleno da Corporación e acordarase, trala solicitude previa do suxeito pasivo, polo voto favorable da maioría simple dos seus membros.

As modificacións que se introduzan na regulación do imposto, polas leis de orzamentos xerais do Estado ou por calquera outra lei ou disposición, e que resulten de aplicación directa, producirán, se é o caso, a correspondente modificación tácita da presente ordenanza fiscal.

#### **Artigo 5. Cota tributaria.**

A cota tributaria será a resultante de aplicar as tarifas do imposto, incluído o elemento superficie, o coeficiente de ponderación determinado en función do importe neto da cifra de negocios do suxeito pasivo e o coeficiente que pondere a situación física do local onde se realiza a actividade regulados nos artigos 6 e 7 da presente Ordenanza.

#### **Artigo 6. Coeficiente de ponderación en función da cifra de negocios.**

De acordo co artigo 87 da Lei 39/1988, do 28 de decembro, sobre as cotas municipais fixadas nas tarifas do imposto aplicarase, en todo caso, un coeficiente de ponderación, determinado en función do importe neto da cifra de negocios do suxeito pasivo, de acordo co seguinte cadro:

Importe neto da cifra de negocios (euros); Coeficiente

Dende 1.000.000,00 ata 5.000.000,00; 1,29

Dende 5.000.000,01 ata 10.000.000,00; 1,30

Dende 1.000.000,01 ata 50.000.000,00; 1,32

Dende 50.000.000,01 ata 100.000.000,00; 1,33

Máis de 100.000.000,01; 1,35

Sen cifra neta de negocio; 1,31

Para os efectos da aplicación do coeficiente a que se refire este artigo, o importe neto da cifra de negocios do suxeito pasivo será o correspondente ao conxunto de actividades económicas exercidas por él e determinarase de acordo co previsto no parágrafo c) do apartado 1 do artigo 83 da Lei de Facendas Locais.

#### **Artigo 7. Coeficiente de situación.**

Non hai coeficiente de situación.



## **Artigo 8. Bonificacións.**

a) Ao abeiro do que prevé a Lei 20/1990, do 19 de decembro, sobre réxime fiscal de cooperativas, gozarán dunha bonificación do 95 por 100 da cota as cooperativas, as súas unións, federacións e confederacións, así como as sociedades agrarias de transformación.

b) Unha bonificación do 50 por 100 da cota correspondente, para os que inicien o exercicio de calquera actividade profesional, durante os cinco anos de actividade profesional, durante os cinco anos de actividade seguintes á conclusión do segundo período impositivo do seu desenvolvemento. O período de aplicación da bonificación caducará transcorridos cinco anos dende a finalización da exención prevista no parágrafo b) do apartado 1 do artigo 83 da Lei 39/1988 do 28 de decembro, reguladora das facendas locais.

## **Artigo 9. Período impositivo e percibo do imposto.**

1. O período impositivo coincide co ano natural, excepto cando se trata de declaración de alta, no caso das cales, comprenderá dende a data de inicio da actividade ata o final de ano natural.

2. O imposto percíbese o primeiro día do período impositivo e as cotas non serán reducibles, excepto cando, nos casos de declaración de alta, o día de inicio da actividade non coincida co ano natural, no caso das cales as cotas calcularáanse proporcionalmente ao número de trimestres naturais que queden para acabar o ano, incluído o do inicio do exercicio da actividade.

3. Tamén, e no caso de baixa por cesamento no exercicio da actividade, as cotas serán rateables por trimestres naturais, excluído aquel no que se produza o dito cesamento. Con este fin, os suxeitos pasivos poderán solicitar a devolución da parte da cota correspondente aos trimestres naturais nos que non se exerce a actividade.

4. Tratándose de suxeitos pasivos que figuen dados de alta nalgúns dos epígrafes 833.1, 833.2, 968.1, 965.2 e 965.5 da Sección I das tarifas do IAE, percibirán no mes de xaneiro de cada ano a parte correspondente aos metros vendidos ou espectáculos cobrados no exercicio anterior. No caso de cesamento na actividade, a declaración complementaria haberá de presentarse xunto coa declaración de baixa.

## **Artigo 10. Réxime de declaración e de ingreso.**

1. É competencia do Concello a xestión tributaria deste imposto, que comprende as funcións de concesión e denegación de bonificacións e exencións, realización das liquidacións que conduzan á determinación das débedas tributarias, emisión dos instrumentos de cobro, resolución dos expedientes de devolución de ingresos indebidos, resolución dos recursos que se interpoán contra os anteditos actos, e actuacións para información e asistencia ao contribuínte, sen prexuízo das facultades de delegación.

2. Contra os actos de xestión tributaria competencia do Concello, os interesados poden formular un recurso de reposición, previo ao contencioso-administrativo, no prazo dun mes a contar dende:



-A data da notificación expresa, no caso de liquidacións de ingreso directo.

-A finalización do período de exposición pública do padrón cando o tributo se esixa en tal réxime, por tratarse de exercicios seguintes aquel no que tivo lugar a alta.

3.A interposición de recursos non paraliza a acción administrativa de cobro, salvo que, dentro do prazo previsto para interpoñelos, o interesado solicite a suspensión da execución do acto impugnado e achegue garantía suficiente.

Non obstante isto, en casos excepcionais, o órgano competente pode acordar a suspensión do procedemento, sen presentación de garantía, cando o recorrente xustifique a imposibilidade de presentala ou demostre de xeito inequívoco que hai erros materiais na liquidación que se impugna.

4.As liquidacións de ingreso directo han de satisfacerse nos periodos fixados polo Regulamento xeral de recaudación.

Unha vez transcorrido o período voluntario de cobro sen que se realice o ingreso iniciarase a vía de prema e aplicarase a recarga establecida na Lei Xeral Tributaria.

As cantidades adebeddas reportan xuro de demora dende o día seguinte do vencemento da débeda en período voluntario ata o día do seu ingreso, e o antedito xuro aplicarase sobre a débeda tributaria, excluída a recarga de prema.

O tipo de xuro é o vixente ao longo do período en que se perciba, fixado de acordo co disposto no artigo 58.2 c) da Lei xeral tributaria e disposicións legais que resulten de aplicación.

5.Cando o Concello teña atribuídas as competencias en materia de xestión censual, segundo o establecido no artigo 92.1 da Lei 39/1988, o imposto esixirase en réxime de autoliquidación cos impresos aprobados para o efecto pola entidade local.

### **Artigo 11. Comprobación e investigación.**

Por delegación do Ministerio de Economía e Facenda, o Concello, ou o ente en quen este delegase as súas competencias de xestión tributaria, exercerá as funcións de inspección do imposto sobre actividades económicas, que comprenderán a comprobación e a investigación, a práctica das liquidacións tributarias que, se cabe, sexan procedentes e a notificación da inclusión, exclusión ou alteración dos datos contidos nos censos, todo isto referido, exclusivamente, aos supostos de tributación por cota municipal.

### **Artigo 12. Data de aprobación e vixencia.**

Esta Ordenanza fiscal, cunha redacción definitiva aprobada polo Pleno da Corporación na sesión que tivo lugar o día 17 de febreiro de 2003, entrará en vigor o mesmo día da súa publicación no Boletín Oficial da Provincia e será de aplicación a partir do día 1 de xaneiro de 2003, permanecendo en vigor ata a súa modificación dentro do ámbito desta Ordenanza.

